

MALAYSIA

DEWAN RAKYAT

ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov>

HARI ISNIN, 24 OKTOBER 2016, PUKUL 10.00 PAGI

Bil. 34

PERTANYAAN-PERTANYAAN BAGI JAWAB LISAN

1. PR-1343-L77255
Datuk Rozman bin Isli [Labuan] minta **MENTERI PERTANIAN DAN INDUSTRI ASAS TANI** menyatakan apakah status terkini projek penanaman tanaman jagung bijirin yang berpotensi mengurangkan import makanan haiwan ternakan dan berapakah jumlah pendapatan yang mampu diraih daripada penanaman tersebut.
2. PR-1343-L77337
Tuan Liew Chin Tong [Kluang] minta **MENTERI KERJA RAYA** menyatakan bila, anggaran kos, tempoh membina pembahagi jalan raya di Jalan Batu Pahat di kawasan Parlimen Kluang.
3. PR-1343-L75638
Datuk Dr. Haji Abd. Latiff bin Haji Ahmad [Mersing] minta **MENTERI TENAGA, TEKNOLOGI HIJAU DAN AIR** menyatakan Laporan Pihak Berkuasa Pembangunan Tenaga Lestari (SEDA) menunjukkan "*Renewable Energy*" dari tenaga solar adalah penyumbang tertinggi kepada jumlah penajaan "*Renewable Energy*" sehingga kini. Mengapakah tenaga "*Renewable Energy*" yang lain seperti biogas, biomass, geothermal serta hidro masih kurang mendapat tempat di kalangan pemain industri dan rakyat serta apakah usaha Kerajaan untuk meningkatkan "*Renewable Energy*" lain dalam jumlah penajaan "*Renewable Energy*" keseluruhan.
4. PR-1343-L76888
Tuan Loke Siew Fook [Seremban] minta **PERDANA MENTERI** menyatakan semua projek PRIMA yang sedang dibina di setiap negeri seperti lokasi, jenis rumah dan jumlahnya serta harga setiap jenis dengan keluarnya.
5. PR-1343-L76113
Dato' Haji Ahmad Nazlan bin Idris [Jerantut] minta **MENTERI PERUSAHAAN PERLADANGAN DAN KOMODITI** menyatakan berapakah jumlah pendapatan eksport industri kayu negara pada tahun 2015 dan sehingga suku ketiga tahun 2016, serta apakah sasaran untuk jangka 5 tahun akan datang dalam meningkatkan lagi jumlah eksport negara dalam sektor ini.

6. PR-1343-L76856
Tuan Hee Loy Sian [Petaling Jaya Selatan] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan alasan mengambilalih Projek Perumahan Rakyat (PPR) seluruh negara daripada Kerajaan Negeri terutama PPR Lembah Subang, Petaling Jaya.
7. PR-1343-L76500
Datuk Noor Ehsanuddin bin Mohd Harun Narrashid [Kota Tinggi] minta **MENTERI PEMBANGUNAN WANITA, KELUARGA DAN MASYARAKAT** menyatakan adakah Kementerian bercadang untuk memantapkan lagi mekanisma pemantauan dan penguatkuasaan terhadap taska-taska milik swasta bagi memastikan kualiti asuhan kanak-kanak sentiasa terjamin.
8. PR-1343-L76312
Tuan Nik Mohamad Abduh bin Nik Abdul Aziz [Pasir Mas] minta **MENTERI PERTANIAN DAN INDUSTRI ASAS TANI** menyatakan pendirian mengenai cadangan supaya koperasi tempatan turut diberi peluang untuk menjadi medan dalam penyaluran dan pengedaran beras negara selain daripada BERNAS.
9. PR-1343-L75893
Tuan Khoo Soo Seang [Tebrau] minta **PERDANA MENTERI** menyatakan apakah usaha Kerajaan untuk memberi perlindungan kepada anggota-anggota barisan depan pasukan pelaksanaan undang-undang negara seperti askar, polis, kastam dan renjer.
10. PR-1343-L75509
Puan Hajah Zuraida binti Kamaruddin [Ampang] minta **MENTERI PENDIDIKAN** menyatakan apakah tindakan pihak Kementerian untuk mengatasi isu buli yang semakin dasyat kini viral di media sosial.
11. PR-1343-L75739
Datuk Jumat bin Idris [Sepanggar] minta **MENTERI KOMUNIKASI DAN MULTIMEDIA** menyatakan apakah perancangan Kementerian untuk memperluaskan jaringan Internet meliputi kawasan-kawasan tanah tinggi seperti di Inanam.
12. PR-1343-L76004
Tuan Wong Chen [Kelana Jaya] minta **MENTERI KEWANGAN** menyatakan jumlah perbelanjaan yang telah digunakan dalam pelaksanaan Strategi Lautan Biru Kebangsaan (NBOS) untuk kesemua Kementerian dan badan Kerajaan. Siapakah perunding yang terlibat dan berapakah yuran yang telah dibayar kepada perunding NBOS.

13. PR-1343-L75917
Datuk Mohd Fasih bin Haji Mohd Fakeh [Sabak Bernam] minta **MENTERI PENDIDIKAN** menyatakan sejauh manakah langkah Kementerian mentransformasikan sistem pendidikan negara melalui Pelan Pembangunan Pendidikan Malaysia (2013-2025) khususnya daripada aspek kualiti pendidikan telah memberi kesan langsung terhadap pencapaian sekolah dan keberhasilan murid dan nyatakan bilangan sekolah berprestasi tinggi dalam Band 1 dan 2 yang telah berjaya diwujudkan semenjak 2012 serta nyatakan langkah Kementerian bagi meningkatkan bilangan sekolah berprestasi tinggi berkenaan terutama sekolah-sekolah di luar bandar.
14. PR-1343-L75520
Puan Teresa Kok Suh Sim [Seputeh] minta **MENTERI SUMBER ASLI DAN ALAM SEKITAR** menyatakan sama ada Kerajaan akan mengadakan dasar yang mengkehendaki semua kawasan simpanan hutan dan taman perhutanan diletakkan di bawah satu Kementerian, demi memudahkan pelaksanaan dasar penyelenggaraan hutan. Apakah sebab Taman Botani Negara di Shah Alam dan Bukit Kiara tidak diletakkan di bawah Kementerian yang sama.
15. PR-1343-L76041
Datuk Hajah Norah binti Abd Rahman [Tanjong Manis] minta **MENTERI KEWANGAN** menyatakan jumlah rizab negara yang terkini dan pecahan rizab negara sama ada dalam bentuk wang fizikal atau pun emas dan sebagainya serta lokasi rizab tersebut sama ada di pasaran kewangan tempatan atau antarabangsa.
16. PR-1343-L76170
Dr. Ko Chung Sen [Kampar] minta **MENTERI KEWANGAN** menyatakan :-
- (a) jumlah cukai individu dan cukai syarikat yang dikutip oleh Lembaga Hasil Dalam Negeri (LHDN) setakat ini bagi tahun 2016 dan bilangan kes audit cukai dan penyiasatan cukai yang dijalankan oleh LHDN dalam 5 tahun yang lepas dan bilangan kes setakat ini bagi tahun 2016; dan
 - (b) jumlah tunggakan cukai dan penalti yang di kutip pada 2016 melalui pengampunan cukai, dan anggaran jumlah cukai langsung yang dikutip bagi tahun semasa.
17. PR-1343-L77060
Tuan Haji Ahmad Lai bin Bujang [Sibuti] minta **MENTERI KEWANGAN** menyatakan apakah perkembangan Skim Pinjaman Tanpa Faedah sebanyak RM70 juta yang diselaraskan oleh BSN bagi penduduk rumah panjang seperti dijanjikan dalam Bajet 2016 dan adakah pihak BSN mempromosikan Skim Pinjaman tersebut di Sarawak setakat ini.
18. PR-1343-L76249
Tuan Idris bin Haji Ahmad [Bukit Gantang] minta **PERDANA MENTERI** menyatakan jumlah hutang terkumpul peneroka Felda di 317 tanah rancangan dan adakah benar pihak Felda tidak memberi salinan maklumat hutang kepada peneroka terbabit secara terperinci.

19. PR-1343-L76459
Tuan Che Mohamad Zulkifly bin Jusoh [Setiu] minta **PERDANA MENTERI** menyatakan tindakan terhadap syarikat bas yang membenarkan pemandu yang mempunyai saman tertunggak untuk memandu bas.
20. PR-1343-L76648
Dr. Hajah Siti Mariah binti Mahmud [Kota Raja] minta **MENTERI PEMBANGUNAN WANITA, KELUARGA DAN MASYARAKAT** menyatakan sama ada Kementerian bercadang menyemak semula peraturan serta syarat-syarat penubuhan dan pengoperasian taska memandangkan kos pengurusan taska sudah meningkat lebih tinggi berbanding dengan yuran yang dikenakan.
21. PR-1343-L75668
Datin Mastura binti Mohd Yazid [Kuala Kangsar] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan usaha kerajaan dan agensi yang terbabit memastikan supaya rumah-rumah kos rendah yang dibina amat membanggakan namun Kementerian-kementerian yang terbabit perlu melaksanakan semua projek yang telah dikenalpasti dan diluluskan mengikut masa yang ditetapkan.
22. PR-1343-L75750
Tuan William Leong Jee Keen [Selayang] minta **MENTERI DALAM NEGERI** menyatakan tindakan yang diambil untuk mencegah senjata diseludup ke Malaysia dan lesen kawalan senjata berikutan bilangan kes-kes mangsa yang ditembak mati di tempat awam baru-baru ini.
23. PR-1343-L77372
Dato' Normala binti Abdul Samad [Pasir Gudang] minta **MENTERI KESIHATAN** menyatakan langkah yang diambil oleh pihak Kementerian bagi memberikan penerangan serta pendedahan kepada masyarakat berkenaan virus Zika dan adakah terdapat vaksin khas yang perlu diambil sekiranya seseorang itu terpaksa pergi ke negara yang mengalami penyebaran serius wabak ini.
24. PR-1343-L75649
Dr. Michael Jeyakumar Devaraj [Sungai Siput] minta **MENTERI SUMBER MANUSIA** menyatakan sama ada penangguhan pembayaran pampasan Hilang Upaya Sementara selepas jangka masa 6 bulan atas alasan menunggu Laporan Perubatan merupakan pencabulan hak pekerja yang termaktub dalam seksyen 15(a) Akta Perkeso.
25. PR-1343-L76491
Tuan Wong Sze Phin @ Jimmy [Kota Kinabalu] minta **MENTERI DALAM NEGERI** menyatakan usaha untuk meningkatkan kawalan sempadan. Isu pencerobohan Lahad Datu, sindiket pemerdagangan manusia etnik Rohingya di Perlis dan terbaru kemasukan pendatang asing melalui Batu Batu di Tawau menunjukkan betapa mudahnya sempadan kita dibolosi.

26. PR-1343-L75697
Ir. Shaharuddin bin Ismail [Kangar] minta **MENTERI PENDIDIKAN** menyatakan menerusi Program Vokasional Menengah Atas (PVMA), apakah jaminan Kementerian serta jenis latihan atau modul yang diterapkan agar masalah pengangguran dalam kalangan belia benar-benar dapat diatasi dan sekaligus mampu mendokong hasrat Kerajaan dalam menjadikan Malaysia sebagai sebuah negara negara yang berdaya saing menjelang 2020.
27. PR-1343-L76857
Datuk Wira Haji Ahmad bin Hamzah [Jasin] minta **MENTERI SUMBER ASLI DAN ALAM SEKITAR** menyatakan *outcome* inisiatif menangani pemanasan dunia, khasnya untuk mengurangkan kadar pengeluaran (*emission*) karbon dioksida sebanyak 40%.
28. PR-1343-L76674
Tuan Lim Guan Eng [Bagan] minta **MENTERI KEWANGAN** menyatakan sama ada defisit Belanjawan akan menurun memandangkan daya saing Malaysia turun tahun ini selepas jatuh 7 tangga ke kedudukan No. 25 dalam penilaian World Economic Forum, kutipan GST telah turun 30% sebanyak RM3.1 bilion daripada RM10.2 bilion 1Q 2016 kepada RM7.1 bilion 2Q 2016 yang menunjukkan pertumbuhan ekonomi sebanyak 4% tidak memberikan faedah kepada peniaga kecil. Adakah Kerajaan bersedia memansuhkan GST demi menyelamatkan ekonomi dan mengembalikan wang kepada warga makan gaji.
29. PR-1343-L77250
Datuk Rozman bin Isli [Labuan] minta **PERDANA MENTERI** menyatakan berapakah jumlah ahli sukarelawan 1M4U yang telah berdaftar setakat suku kedua tahun ini sejak mula beroperasi dan adakah terdapat sebarang cadangan untuk mewujudkan 1M4U sentral di Labuan yang mampu bertindak sebagai “one stop center” bagi aktiviti kesukarelawan bagi zon Sabah dan Sarawak.
30. PR-1343-L75915
Datuk Seri Panglima Haji Abdul Ghapur bin Haji Salleh [Kalabakan] minta **MENTERI DALAM NEGERI** menyatakan :-
- (a) berikutan dengan kenyataan terbuka YAB. Timbalan Perdana Menteri, apakah tindakan yang telah dan akan diambil ke atas “Panglima-panglima” dari Selatan Filipina yang terdapat di semua kawasan Dewan Undangan Negeri Sabah; dan
 - (b) apakah negeri Sabah sudah selamat daripada ancaman mereka.
31. PR-1343-L75527
Dato' Sri Hasan bin Malek [Kuala Pilah] minta **MENTERI KEMAJUAN LUAR BANDAR DAN WILAYAH** menyatakan kesan daripada kegagalan pembayaran balik pinjaman pendidikan oleh para peminjam, apakah tindakan serta langkah pihak Kementerian dan MARA dalam usaha mendapatkan kutipan pinjaman ini dan berapakah nilai hutang daripada peminjam yang masih gagal dilunaskan.

32. PR-1343-L76029
Datuk Koh Nai Kwong [Alor Gajah] minta **PERDANA MENTERI** menyatakan adakah Kementerian akan melaksanakan sistem pampasan bagi pengguna pengangkutan awam seperti yang dilaksanakan di UK dan Jepun bagi pengangkutan yang tidak menepati jadual sebagai langkah memastikan kecekapan perkhidmatan dan pendorong kepada pengurusan LRT dan MRT untuk menaik taraf perkhidmatan.
33. PR-1343-L77362
Dato' Ahmad Fauzi bin Zahari [Setiawangsa] minta **MENTERI DALAM NEGERI** menyatakan adakah terdapat masalah kepadatan di penjara-penjara sedia ada di seluruh negara dan adakah pihak Kementerian mempunyai perancangan untuk membuka penjara baru.
34. PR-1343-L76716
Tuan Oscar Ling Chai Yew [Sibü] minta **PERDANA MENTERI** menyatakan perkembangan perbincangan hak autonomi Sarawak antara Kerajaan Negeri Sarawak dan Kerajaan Persekutuan. Nyatakan tuntutan daripada pihak Kerajaan Negeri Sarawak, dan konsensus yang dicapai. Adakah autonomi sepenuh dalam pendidikan merupakan salah satu tuntutan negeri Sarawak, yang memerlukan pindaan Perlembangan Persekutuan 9th schedule.
35. PR-1343-L75965
Tuan Mohamed Hanipa bin Maidin [Sepang] minta **MENTERI DALAM NEGERI** menyatakan :-
- (a) berapa ramai suspek yang ditembak mati oleh polis dalam OPS CANTAS; dan
 - (b) berapa pula jumlah suspek yang telah dibicarakan selepas ditangkap dan ditahan dalam OPS CANTAS.
36. PR-1343-L76972
Tuan Ahmad Baihaki bin Atiqullah [Kubang Kerian] minta **MENTERI PENGANGKUTAN** menyatakan apakah hasil siasatan yang terkini berkaitan nahas MH 370 setelah hampir 3 tahun dan beberapa serpihannya yang didakwa telah dijumpai.
37. PR-1343-L76654
Dato' Haji Mahfuz bin Omar [Pokok Sena] minta **MENTERI KEWANGAN** menyatakan :-
- (a) jumlah dan nama aset atau projek 1MDB yang telah dijual kepada syarikat negara asing dan nyatakan nilai dalam Ringgit Malaysia setiap satu; dan
 - (b) jumlah faedah setahun yang perlu dibayar oleh Kerajaan ke atas setiap bon dan pinjaman 1MDB serta dari manakah sumber wang untuk membayar faedah tersebut.

38. PR-1343-L76923
Tuan V. Sivakumar [Batu Gajah] minta **MENTERI PENDIDIKAN TINGGI** menyatakan keberkesanan mengadakan dua sesi peperiksaan akhir iaitu 28 Oktober 2016 untuk pelajar beragama lain dan 7 November 2016 untuk pelajar beragama Hindu. Adakah syarat-syarat yang dikenakan dalam permohonan ini memudahkan atau memudaratkan pelajar-pelajar Politeknik.
39. PR-1343-L76166
Dr. Ko Chung Sen [Kampar] minta **PERDANA MENTERI** menyatakan :-
- (a) sama ada beliau akan mengisytiharkan kepada umum penyata cukai pendapatan beliau dan isteri seperti dilakukan oleh Presiden Barack Obama di Amerika Syarikat dan mantan Perdana Menteri David Cameron di United Kingdom; dan
 - (b) sama ada beliau dan isteri juga akan mengisytiharkan kepada umum senarai badan amal yang menerima sumbangan peribadi daripada mereka.
40. PR-1343-L76017
Tan Sri Datuk Seri Panglima Joseph Pairin Kitingan [Keningau] minta **MENTERI DALAM NEGERI** menyatakan adakah Kementerian mempunyai perancangan untuk menaik taraf infrastruktur polis Keningau memandangkan kegiatan-kegiatan ekonomi dan pertumbuhan kependudukan serta keperluan keselamatan telah bertambah dan meningkat.
41. PR-1343-L77100
Dato' Seri Mohamed Azmin bin Ali [Gombak] minta **MENTERI PENGANGKUTAN** menyatakan adakah Kerajaan turut bercadang untuk menaikkan caj perkhidmatan penumpang (PSC) atau cukai lapangan terbang kepada syarikat penerbangan tambang rendah yang beroperasi di KLIA2.
42. PR-1343-L76288
Ust. Datuk Dr. Mohd. Khairuddin bin Aman Razali [Kuala Nerus] minta **MENTERI KEWANGAN** menyatakan senarai GLC yang berprestasi rendah khususnya yang tidak membuat keuntungan dan mengalami kerugian serta menjelaskan tindakan-tindakan yang diambil untuk menanganinya.
43. PR-1343-L77387
Tuan Ramkarpal Singh a/l Karpal Singh [Bukit Gelugor] minta **MENTERI SUMBER MANUSIA** menyatakan sama ada tindakan undang-undang dicadangkan diambil terhadap pihak-pihak yang terlibat di dalam tragedi '*crane hook*' yang terjatuh ke atas kereta Chin Khoo Sing baru-baru ini di Jalan Raja Chulan. Sekiranya ya, nyatakan pihak-pihak tersebut.
44. PR-1343-L76785
Dato' Seri Dr. Wan Azizah binti Wan Ismail [Permatang Pauh] minta **MENTERI LUAR NEGERI** menyatakan sejak dilantik sebagai Pengerusi Majlis Keselamatan Pertubuhan Bangsa-bangsa Bersatu (PBB) sejauh mana Malaysia telah mengemukakan desakan mengenai isu-isu antarabangsa seperti penindasan minoriti muslim Rohingya di Burma, pembangunan semula Gaza pasca serangan Israel 2014, jenayah perang di Gaza, Syria dan Yaman, dan tragedi serangan pesawat MH17.

45. PR-1343-L76887
Dato' Seri Abdul Hadi bin Awang [Marang] minta **PERDANA MENTERI** menyatakan apakah langkah yang dilaksanakan oleh Kerajaan bagi memastikan Suruhanjaya Pencegahan Rasuah Malaysia (SPRM) dapat bertindak dengan bebas, telus dan profesional tanpa tekanan oleh pihak eksekutif.
46. PR-1343-L77084
Puan Kasthuriraani a/p Patto [Batu Kawan] minta **PERDANA MENTERI** menyatakan justifikasi untuk terus mengekalkan imuniti yang diberikan dibawah Seksyen 375 Kanun Keseksaan kepada si suami atas kesalahan merogol isterinya serta nyatakan bilangan laporan polis yang diterima dan dakwaan mahkamah atas kesalahan dibawah Seksyen 375A dari tahun 2000 sehingga September 2016.
47. PR-1343-L76131
Tuan Wong Tien Fatt @ Wong Nyuk Foh [Sandakan] minta **MENTERI PERTAHANAN** menyatakan tindakan Kerajaan terhadap kerjasama antara kerajaan Malaysia dan Filipina untuk menyerang pasukan pengganas Abu Sayyaf bagi menjamin keselamatan rantau pantai timur Sabah.
48. PR-1343-L77159
Tuan Tony Pua Kiam Wee [Petaling Jaya Utara] minta **MENTERI DALAM NEGERI** menyatakan kedudukan laporan polis yang saya telah failkan di Balai Polis Damansara pada 4 Mac 2015. Adakah pihak polis telah memanggil pihak yang berkaitan, terutamanya Low Taek Jho dalam kes penyelewengan wang 1MDB ini.
49. PR-1343-L77440
Datuk Sapawi bin Ahmad Wasali [Sipitang] minta **MENTERI TENAGA, TEKNOLOGI HIJAU DAN AIR** menyatakan cadangan untuk menggunakan gas bagi menggantikan arang batu untuk menjana elektrik di pantai timur Sabah, khususnya Tawau dan Sandakan, bagi memenuhi kepesatan pembangunan di kawasan tersebut.

ATURAN URUSAN MESYUARAT DAN USUL-USUL

1. (D.R. 17/2016) **Rang Undang-undang Perbekalan 2017 – Menyambung semula perbahasan atas masalah, “ Bahawa Rang Undang-Undang ini dibacakan kali yang kedua sekarang, “ (21 Oktober, 2016)**

DAN

Usul dibuat oleh YAB Menteri Kewangan dan masalah dicadangkan :-

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari empat puluh lapan bilion ringgit (RM48,000,000,000) dibelanjakan daripada Kumpulan Wang Pembangunan bagi tahun 2017, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2017, yang dibentangkan sebagai Kertas Perintah 25 Tahun 2016, adalah diuntukkan di bawah Maksud-maksud yang berkenaan jumlah-jumlah yang bersetentangan dengan butiran-butiran itu di ruangan enam dan tujuh senarai tersebut.”

Menyambung semula Perbahasan atas masalah (21 Oktober, 2016)

2. (D.R.13/2016) Rang Undang-Undang Mahkamah **Bacaan Kali**
(Kaedah-Kaedah Pemulaan Tindakan **Yang Kedua**
Sivil) 2016

[Menteri di Jabatan Perdana Menteri]

3. (D.R.16/2016) Rang Undang-Undang Pentadbiran **“**
Undang-undang Islam (Wilayah-Wilayah
Persekutuan) (Pindaan) 2016

[Menteri di Jabatan Perdana Menteri]

4. **Menteri Kewangan** akan mencadangkan:-

“Bahawa Dewan ini, mengikut peruntukan subperenggan 8(3)(a)(iv) Akta Tatacara Kewangan 1957 [Akta 61], mengambil ketetapan bersetuju supaya Kerajaan Malaysia melalui Menteri Kewangan (Diperbadankan), membuat pelaburan dengan menukarkan sebahagian pinjaman yang diberikan oleh Kerajaan Malaysia sebanyak RM500 juta kepada Small Medium Enterprise Development Bank Malaysia Berhad (SME Bank), sebuah syarikat yang dimiliki oleh Menteri Kewangan (Diperbadankan) kepada ekuiti bersamaan dengan Lima Ratus Juta (500,000,000) unit saham biasa pada RM1 bagi satu unit saham”.

5. **Dato’ Seri Abdul Hadi bin Awang [Marang]** akan mencadangkan:-

“Bahawa Dewan ini memberikan kebenaran menurut Peraturan Mesyuarat 49 (1) kepada Yang Berhormat Ahli bagi kawasan Marang untuk mencadangkan suatu Rang Undang-undang Ahli Persendirian bernama Rang Undang-undang Mahkamah Syariah (Bidang Kuasa Jenayah) (Pindaan) 2016 seperti berikut:-

i. menggantikan Seksyen 2 dengan seksyen berikut:

“**2.** Mahkamah Syariah akan mempunyai kuasa ke atas seseorang penganut agama Islam dan di dalam hal-hal kesalahan di bawah perkara-perkara yang disenaraikan di dalam Butiran 1 Senarai Negeri di bawah Jadual Kesembilan Undang-Undang Persekutuan.”; dan

ii. memasukkan selepas seksyen 2 dengan seksyen berikut:

“**2A.** Dalam menjalankan undang-undang jenayah di bawah Seksyen 2 Mahkamah Syariah berhak menjatuhkan hukuman yang dibenarkan oleh undang-undang syariah berkaitan hal-hal kesalahan yang disenaraikan di bawah seksyen yang disebutkan diatas, selain dari hukuman mati.”

[Menteri di Jabatan Perdana Menteri]

6. PR-1343-U75583

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, kesan pemanasan global telah mencapai satu tahap yang amat serius di mana disebabkan peningkatan paras air laut, terdapat banyak sawah-sawah padi tidak lagi dapat ditanam dengan tanaman padi disebabkan sawah-sawah padi ini telah dicemari dengan air masin. Dan mengambil maklum juga bahawa kesan daripada fenomena ini, para petani terutama sekali mereka yang menanam padi di sawah-sawah padi yang berkedudukan tanah rendah atau pesisir pantai kehilangan punca pendapatan dan sekaligus kualiti hidup mereka turut terjejas. Dan mengambil maklum juga bahawa, sebagai langkah mitigasi bagi memulihkan ekonomi para petani ini,

Kerajaan hendaklah membantu mereka dengan memperkenalkan tanaman bernilai komersial lain, yang sesuai ditanam di sawah yang dimasuki air masin tersebut seperti penanaman kelapa pandan dan sebagainya. Dan mengambil maklum juga bahawa penyediaan dan pengorekan perparitan untuk meninggikan paras tanah yang dimaksudkan di atas, di kawasan yang terlibat akan membolehkan kawasan yang terlibat tidak ditenggelami air masin. Maka, bagi menangani masalah ini, Dewan ini hendaklah mengambil ketetapan bahawa, di samping menangani isu pemanasan global secara serius, Kerajaan juga harus segera membantu para petani (atau pesawah padi) dalam mengusahakan semula sawah-sawah padi mereka yang terjejas oleh fenomena ini, dengan memperkenalkan tanaman bernilai komersial yang baru di tanah tersebut."

[Menteri Pertanian dan Industri Asas Tani]

7. PR-1343-U75584

Datuk Dr. Makin @ Marcus Mojigoh [Putatan] akan mencadangkan:-
"Bahawa Dewan ini mengambil maklum bahawa dengan purata hujan tahunan negara kini telah meningkat sering kita dengar tentang keadaan banjir kilat yang telah banyak menyebabkan kemusnahan harta benda, ameniti sosial, kerosakan alam sekitar dan lain-lain yang menjangkau jutaan ringgit nilainya. Dan mengambil maklum juga bahawa keadaan banjir ini ditambah burukkan lagi di mana banyak kolam dan paya ditimbus bagi pembangunan hartanah dan sebagainya. Ini menyebabkan sungai-sungai dan terusan tidak lagi dapat menampung jumlah air yang mengalir secara mendadak. Dan mengambil maklum juga bahawa, sebagai langkah mitigasi, kolam-kolam air yang luas boleh diwujudkan dalam sesuatu kawasan bagi menampung air hujan lebat yang turun sebelum ianya mengalir ke sungai-sungai dan terusan, sekali gus dapat mengurangkan kejadian banjir kilat. Dan mengambil maklum juga bahawa, takungan air di kolam-kolam tadi boleh juga dirawat dan disalurkan ke empangan bekalan air yang mana boleh digunakan sebagai air terawat oleh para pengguna. Dan mengambil maklum juga bahawa air daripada takungan kolam itu juga boleh disalurkan kepada industri-industri yang memerlukannya di samping digunakan untuk menyiram tanaman atau taman-taman. Maka, bagi menangani masalah banjir kilat ini, dewan yang mulia ini hendaklah mengambil ketetapan bahawa Kerajaan hendaklah mensyaratkan bahawa sebelum sesuatu zon itu dibangunkan, satu kawasan kolam takungan air hendaklah disediakan bagi maksud di atas."

[Menteri Sumber Asli dan Alam Sekitar]

8. PR-1343-U75585

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, ramai graduan serta lulusan sekolah menengah tidak berpeluang untuk mendapatkan kerja dan kebanyakan mereka ini akhirnya hanya berlegar di kampung masing-masing dan tidak berpendapatan.

Dan mengambil maklum juga bahawa, masih banyak peluang-peluang perniagaan yang boleh diusahakan di kampung-kampung sekiranya mereka yang berminat mendapat latihan, bimbingan dan bantuan kewangan yang secukupnya. Dan mengambil maklum juga bahawa pihak Kerajaan telah beberapa kali mengutarakan program pembangunan desa seperti program satu kampung satu industri, namun belum ada lagi program seumpamanya yang benar-benar berjaya. Dan mengambil maklum juga bahawa kebanyakan bekalan bahan mentah bagi penghasilan produk makanan, herba, tenusu dan lain-lain lagi boleh didapati di kampung-kampung dengan mudah. Dan mengambil maklum juga bahawa, melalui program "cottage industry" bukan sahaja penduduk kampung yang terlibat dalam program ini akan mendapat manfaat, malah negara secara keseluruhannya akan mendapat manfaat daripada aliran aktiviti ekonomi yang dijana. Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan merumuskan satu mekanisme yang lebih efektif bagi menggalakkan penglibatan penduduk kampung dalam aktiviti "cottage industry" yang mana akan dapat membawa manfaat kepada 15-20 orang daripada setiap kampung."

[Menteri Kemajuan Luar Bandar dan Wilayah]

9. PR-1343-U75586

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa kos sara hidup keluarga telah meningkat dengan mendadak dan ini dapat dirasakan begitu hebat sekali oleh mereka daripada golongan berpendapatan rendah. Dan mengambil maklum juga bahawa teknologi solar yang terdapat pada hari ini dapat membekalkan tenaga elektrik dengan murah dan mesra alam. Dan mengambil maklum juga bahawa kadar penurunan hujan di negara ini agak tinggi dan boleh membekalkan bekalan air mentah yang cukup sekiranya ditadahkan dan disimpan dengan baik. Maka, bagi meringankan kos sara hidup keluarga terutama sekali mereka yang dari golongan berpendapatan rendah, Dewan yang mulia ini hendaklah mengambil ketetapan bahawa, semua pembinaan PPRT yang baru hendaklah dilengkapi dengan sistem tenaga solar dan tangki tadahan air bagi membolehkan pemilik rumah tersebut menurunkan sedikit kos sara hidup keluarga mereka."

[Menteri Kesejahteraan Bandar, Perumahan dan Kerajaan Tempatan]

10. PR-1343-U75587

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, terdapat desas-desus bahawa pencarum Kumpulan Wang Simpanan Pekerja (KWSP) yang masih menabung dalam KWSP, yang telah mencapai umur 75 tahun, yang dikatakan mencecah jumlah 260,000 orang, tidak lagi dibayar dividen ke atas simpanan mereka di dalam KWSP, seperti yang disiarkan oleh akhbar The Sun Daily. Dan mengambil maklum juga bahawa, kekeliruan ini adalah disebabkan oleh polisi KWSP yang dikeluarkan pada tahun 2008, melalui Akta KWSP 1991 yang menerangkan bahawa simpanan para pencarum yang telah mencapai umur 75 tidak akan dibayar dividen."

Dan mengambil maklum juga bahawa para pesara yang masih menyimpan akaun dengan pihak KWSP masih memerlukan sumber pendapatan yang terurus dengan kadar pulangan yang baik dan KWSP dikatakan memberikan kadar pulangan yang baik serta terjamin selamat. Maka, bagi menangani masalah ini dan membela nasib para pendeposit KWSP yang dimaksudkan, Dewan yang mulia ini hendaklah mengambil ketetapan bahawa Kerajaan hendaklah segera meminda Akta 1991 dan membatalkan polisi KWSP 2008 bagi memastikan agar para pencarum atau penabung KWSP menerima dividen selagi mereka masih mempunyai akaun yang aktif dengan KWSP."

[Menteri Kewangan]

11. PR-1343-U75588

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, kos barangan dan kos sara hidup di negeri Sabah adalah antara yang tertinggi di negara ini dan polisi kabotaj, dikatakan sebagai antara penyebab utama keadaan ini berlaku. Dan mengambil maklum juga bahawa, akibat polisi kabotaj ini, kapal-kapal dagang dari luar negara tidak dibenar memunggah dan mengangkut barangan dari mana-mana pelabuhan di Malaysia kecuali di Pelabuhan Klang. Ini menyebabkan barangan tersebut terpaksa di angkut semula dengan kos tambahan ke pelabuhan-pelabuhan di negeri Sabah dan Sarawak. Dan mengambil maklum juga bahawa disebabkan polisi kabotaj ini, kadar caj penghantaran antara pelabuhan ditetapkan oleh pihak perkapalan dengan kawalan terhad oleh pihak Kerajaan. Misalnya, caj penghantaran kontena 20 kaki dari pelabuhan Klang ke pelabuhan Kota Kinabalu ialah RM2,436, ke pelabuhan Sandakan RM3,235 dan ke pelabuhan Tawau RM3,336. Ternyata caj ini adalah terlalu tinggi jika dikira dari segi jarak batu nautika antara pelabuhan berbanding dengan caj penghantaran di pelabuhan-pelabuhan lain. Maka, bagi menangani masalah ini serta mengimbangi harga barangan dan kos sara hidup di negeri Sabah, Dewan yang mulia ini hendaklah mengambil ketetapan bahawa Kerajaan hendaklah segera membatalkan polisi kabotaj ini bagi meringankan beban rakyat Sabah dan Sarawak khasnya."

[Menteri Kewangan]

12. PR-1343-U75589

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa kebanjiran warga asing ke negara ini telah membawa budaya yang kurang baik di negara ini di mana mereka dengan sewenang-wenangnya membuang sampah merata-rata dan ini dapat kita lihat di kota-kota besar pada hujung minggu di mana mereka ini keluar beriadah. Dan mengambil maklum juga bahawa, sejak akhir-akhir ini, penduduk tempatan juga telah mula dijangkiti dengan sikap kutu sampah yang dimaksudkan di atas, di mana penduduk tempatan juga mula membuang sampah merata-rata.

Dan mengambil maklum juga bahawa penularan pelbagai jenis penyakit bawaan vektor, tikus, lipas dan lalat, pembuangan sampah merata-rata telah menambah-burukkan lagi ancaman kesihatan di negara ini. Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan Malaysia hendaklah memindah undang-undang bagi menghukum kutu-kutu sampah dengan hukuman lebih berat lagi disamping menggalakkan lebih banyak usaha untuk kitar semula dijalankan."

[Menteri Kesejahteraan Bandar, Perumahan dan Kerajaan Tempatan]

13. PR-1343-U76223

Tuan Nga Kor Ming [Taiping] akan mencadangkan:-

"Bahawa Dewan yang mulia ini meluluskan satu ketetapan supaya Laporan Ketua Audit Negara berkenaan dengan isu 1 MDB (1 Malaysia Development Bhd) dibentang dan dikemukakan untuk perbahasan di Dewan Rakyat dengan kadar segera."

[Perdana Menteri]

14. PR-1343-U76225

Tuan Nga Kor Ming [Taiping] akan mencadangkan:-

"Bahawa Dewan yang mulia ini meluluskan satu ketetapan supaya YAB Perdana Menteri dan seluruh anggota Menteri Kabinet mengisytiharkan harta dan aset mereka kepada Dewan Rakyat tiap-tiap tahun pada bulan Disember."

[Perdana Menteri]

15. PR-1343-U76226

Tuan Nga Kor Ming [Taiping] akan mencadangkan:-

"Bahawa Dewan yang mulia ini meluluskan satu ketetapan supaya mengesyorkan kepada DYMM Seri Paduka Baginda Yang Di Pertuan Agong untuk menubuhkan satu Suruhanjaya Diraja supaya menyiasat dan mengemukakan laporan siasatan terhadap skandal kewangan 1MDB dengan kadar segera."

[Perdana Menteri]

16. PR-1343-U76228

Tuan Nga Kor Ming [Taiping] akan mencadangkan:-

"Bahawa Dewan yang mulia ini meluluskan satu ketetapan selaras dengan titah Majlis Raja-Raja Melayu dimana Akta Majlis Keselamatan Negara 2016 dibentang dan dikaji semula di Dewan Rakyat dengan kadar segera."

[Perdana Menteri]

17. PR-1343-U77356

Tuan M. Kulasegaran [Ipoh Barat] akan mencadangkan:-

"Bahawa Dewan ini mengambil maklum, Parlimen sepatutnya mengambil maklum kes penembakan Lucus a/l Asirvatham dari Ipoh semasa bekerja di kebunnya di Chemor Perak pada 11 Ogos 2016 oleh seorang bekas pegawai kanan polis. Kes penembakan tersebut perlu disiasat secara ketat dan efektif melalui penubuhan sebuah badan jawatankuasa yang bebas dan integriti serta laporannya diumumkan kepada orang ramai (made public)."

[Menteri Dalam Negeri]

18. PR-1343-U75910

Dr. Tan Seng Giaw [Kepong] akan mencadangkan:-

"Bahawa Dewan ini membahaskan langkah-langkah untuk mencegah pengganas di Malaysia."

[Menteri Dalam Negeri]

19. PR-1343-U75911

Dr. Tan Seng Giaw [Kepong] akan mencadangkan:-

"Bahawa Dewan ini memperbincangkan dasar penyelenggaraan semua jenis pengangkutan di negara".

[Menteri Pengangkutan]

20. PR-1343-U75794

Tuan Fong Kui Lun [Bukit Bintang] akan mencadangkan:-

"Bahawa Kerajaan mempergiatkan usaha untuk meyatupadukan rakyat berbilang kaum di Malaysia yang kelihatan masih lemah dan longgar meskipun negara telah menjadi negara merdeka dan berdaulat sejak 59 tahun lalu supaya mereka boleh hidup dengan aman dan saling memerlukan dan memahami antara satu sama lain bagi memudahkan mereka membangunkan ekonomi negara secara bersama dan merealisasikan impian Malaysia."

[Perdana Menteri]

21. PR-1343-U75795

Tuan Fong Kui Lun [Bukit Bintang] akan mencadangkan:-

"Bahawa Kerajaan memulihkan pilihan raya kerajaan tempatan seluruh negara supaya urustadbir Kerajaan menjadi lebih cekap, akauntabiliti dan bersih dengan mengambil langkah pertama untuk membuat kajian serius dan melakukan pungutan suara antara rakyat."

[Menteri Kesejahteraan Bandar, Perumahan dan Kerajaan Tempatan]

22. PR-1343-U75707

Tuan Loke Siew Fook [Seremban] akan mencadangkan:-

"Bahawa Dewan ini merakamkan sekalung tahniah dan setinggi-tinggi penghargaan kepada wira dan wirawati negara yang telah mengharumkan nama negara di Sukan Paralimpik dan Olimpik 2016 di Rio De Janerio. Kejayaan Mohamad Ridzuan Mohamad Puzi acara 100 meter, Muhammad Ziyad Zolkefli acara lontar peluru dan Abdul Latif Romly acara lompat jauh merangkul tiga pingat emas pertama untuk Malaysia dalam Sukan Paralimpik serta dua rekod dunia yang dicapai oleh mereka adalah satu kejayaan yang luar biasa dan sangat membanggakan. Atlet wanita Siti Noor Radiah Ismail yang memenangi pingat gangsa dalam acara lompat jauh di Sukan Paralimpik juga merupakan satu pencapaian yang membanggakan. Dewan ini juga merakamkan ucapan setinggi-tinggi tahniah terhadap atlet-atlet negara yang memenangi 4 pingat perak dan 1 pingat gangsa di Sukan Olimpik Rio 2016 iaitu pemenang pingat perak dalam acara badminton perseorangan lelaki Dato Lee Chong Wei, badminton beregu lelaki Goh V Shem-Tan Wee Kiong, badminton beregu campuran Chan Peng Soon-Goh Chan Ying dan pemenang pingat perak dalam acara terjun Pandelesa Rinong-Chan Jun Heong serta pemenang pingat gangsa acara berbasikal keirin Azizulhasni Awang. Atlet-atlet tersebut telah mencapai keputusan yang terbaik untuk kontijen Malaysia dalam sejarah penyertaan negara dalam Sukan Olimpik dan kejayaan tersebut harus membanggakan oleh seluruh rakyat Malaysia."

[Menteri Belia dan Sukan]

23. PR-1343-U77348

Tuan Liew Chin Tong [Kluang] akan mencadangkan:-

"Bahawa Dewan ini bersetuju mengurangkan peruntukan untuk JPM dan menyalurkan kepada peruntukan bagi hal ehwal pendidikan, pengangkutan awam, kesihatan dan kebajikan rakyat. Peruntukan untuk Jabatan Perdana Menteri telah dihadkan tahapnya pada tahun 2008 iaitu masing-masing sebanyak RM3.4 bilion bagi peruntukan pengurusan dan RM3.5 bilion untuk pembangunan. Ini membawa kepada jumlah keseluruhan sebanyak RM6.9 bilion. Berbanding 2016, anggaran peruntukan pengurusan dan pembangunan telah melepasi tahap ditetapkan pada 2008 tersebut iaitu masing-masing sebanyak RM5.9 bilion dan RM14 bilion yang membawa kepada jumlah keseluruhan RM20 bilion."

[Menteri Kewangan]

24. PR-1343-U77349

Tuan Liew Chin Tong [Kluang] akan mencadangkan:-

"Bahawa Dewan ini menyokong cadangan menetapkan sebarang pembelian aset atau sistem pertahanan yang melebihi 100 juta oleh Kementerian Pertahanan, mesti dibawa ke Parlimen dibahas dan diaudit oleh Jabatan Audit Negara supaya untuk syarat meneruskan pembelian ini."

Ini juga bertujuan untuk mempertingkatkan integriti dan keberkesanan pembelian sistem pertahanan. Ini adalah diakibatkan oleh pembelian Kapal Selam Scorpene telah menimbulkan banyak persepsi negatif terhadap negara."

[Perdana Menteri]

25. PR-1343-U77437

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk menghalang dan mengharamkan penjualan arak murahan (cheap liquor) secara mudah dan murah yang semakin berleluasa. Gejala pengambilan arak murahan ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu dketatkan. Masa penjualan arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama."

[Menteri Dalam Negeri]

26. PR-1343-U77438

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga simati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan."

[Menteri Dalam Negeri]

27. PR-1343-U77439

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Menteri Pendidikan]

28. **Tuan Gobind Singh Deo [Puchong]** akan mencadangkan:-

Pada 17.10.2016, Tuan Yang Di-Pertua telahpun membuat keputusan di dalam Dewan Rakyat seperti berikut:

Jadi masa tidak lagi mengizinkan. Jadi sesi pertanyaan-pertanyaan bagi jawapan lisan berakhir dan sebelum saya memanggil Setiausaha untuk beredar ke urusan mesyuarat yang lain, ada satu perkara mustahak yang ingin saya umumkan iaitu Ahli-ahli Yang Berhormat **saya mendapati beberapa soalan dalam pertanyaan jawapan lisan dan bertulis serta usul yang telah dikemukakan bagi Mesyuarat Ketiga Penggal Keempat Parlimen Ketiga Belas kali ini berkaitan dengan satu isu yang menjadi kegemaran ahli-ahli Yang Berhormat iaitu isu tindakan sivil in rem oleh Jabatan Keadilan Amerikat Syarikat atau singkat DOJ.**

Jadi untuk mengelakkan lagi satu pertuduhan seperti di sesi yang lalu iaitu di mana soalan yang perlu dijawab secara lisan oleh kerana tidak ada masa untuk dijawab pada ketika itu, maka Menteri menjawab mengatakan bahawa tidak payalah dijawab secara bertulis oleh kerana itu adalah *sub judice*.

Jadi dalam hal ini, dalam sesi ini juga ada perkara-perkara yang sedemikian. Jadi saya tidak mahu lagi timbul satu persepsi di mana Menteri akan dituduh bahawa dia *assumed the role of Speaker*. **Jadi untuk itu setelah meneliti isi kandungan pertanyaan-pertanyaan tersebut, saya mendapati bahawa ia adalah perkara yang masih dalam timbangan mahkamah ataupun sub judice. Oleh itu Menteri yang berkenaan tidak perlu jawab kepada perkara-perkara tersebut.** Manakala kepada Ahli-ahli Yang Berhormat yang sedemikian untuk memuaskan hati mereka saya akan sampaikan setiap Ahli Yang Berhormat keputusan saya secara bertulis. Terima kasih. Sila.

Dengan hormatnya, saya usulkan supaya keputusan Tuan Yang Di-Pertua tersebut dikaji semula menurut Peraturan 43 Peraturan Majlis Mesyuarat di atas alasan-alasan berikut:

- (i) Peraturan yang menghalang pertanyaan oleh kerana sub judice tidak terpakai kepada kes-kes di luar Malaysia.
- (ii) Oleh yang demikian, tindakan *sivil in rem* oleh Jabatan Keadilan Amerika Syarikat tidak boleh menjadi asas untuk penolakan soalan ataupun seseorang Menteri dikecualikan daripada menjawab soalan tersebut atas alasan perkara itu sub judis.
- (iii) Perkara ini dibincangkan dalam "Buku Erskine May's Treaties on The Law, Privileges, Proceeding's and Usage of Parliament 24th Edition 2011" di mana 365 dimukasurat disebut seperti berikut:

Matters sub judice

By a resolution of the House, cases in which proceedings are active in United Kingdom courts shall not be referred to in any motion, debate or question (see pp 396, 441-443); though the House has further resolved to give Chair some discretion to allow reference to be made to matters awaiting or under jurisdiction in all civil courts in certain specified circumstances, **provided that there is no real and substantial danger of prejudice to the proceedings.**

The 'sub judice rule' as it is called, also applied to matters before a coroner's court or a Fatal Accident Inquiry. If the subject-matter of the question is found to be, or become, sub judice of the questions has been given, the Member is asked to withdraw it, or the Speaker may direct it to be removed from the notice paper or refuse to allow it to be asked if it is on the Order Paper.

The rule does not apply to matters which are sub judice in courts of law outside Great Britain and Northern Island, nor to matters which are the subject of administrative inquiry.

- (iv) jadi dengan segala hormatnya, jelas bahawa keputusan Tuan Speaker yang berasaskan kepada alasan sub judice adalah bertentangan dengan praktis yang diamalkan berkenaan isu itu dan oleh yang sedemikian boleh dan perlu dikaji semula.
- 2. Seterusnya dengan merujuk kembali lagi kepada petikan di dalam buku Erskine May di atas adalah jelas bahawa **sekiranya pun prosiding tersebut di dalam negara ini**, Tuan Speaker dalam memutuskan isu sama ada ataupun tidak perkara ini dihalang kerana sub judice perlu menilaikan sama ada wujud ataupun tidak "*real and substantial danger of prejudice*" kepada prosiding tersebut.
- (i) Dengan segala hormatnya untuk menimbang dan seterusnya membuat keputusan berkenaan perkara itu, saya berpendapat bahawa Tuan Speaker perlu:
 - (a) memberikan Ahli-ahli Parlimen peluang untuk didengar sebelum membuat sebarang keputusan berkenaannya.
 - (b) menyakinkan diri dengan rujukan penuh kepada prosiding Mahkamah tersebut dan seterusnya menimbang kesan soalan-soalan yang ditanya kepada prosiding tersebut sebelum membuat keputusan tersebut.
- 2 (ii) Di dalam hal ini, saya memohon supaya Tuan Speaker menjelaskan sama ada ataupun tidak Tuan Speaker ada salinan dan sudah menimbang dengan mendalam semua kertas-kertas kuasa dalam prosiding DOJ tersebut (iaitu tuntutan dan jawapan-jawapan kepadanya sekiranya ada) untuk menyakinkan diri Tuan Speaker berkenaan fakta-fakta serta isu-isu yang berbangkit dalam perkara itu untuk membuat keputusan bahawa soalan-soalan itu adalah dihalang oleh perkara *sub judice*.

- 3 (i) seterusnya saya dengan segala hormatnya memohon rujuk kepada Peraturan 36(1) dan 23(1)(g) Peraturan Mesyuarat Dewan Rakyat di mana cukup jelas bahawa perkara yang perlu diputuskan adalah:

23(1)(g) A question shall not be so drafted as to be likely to prejudice a case under trial, or be asked to any matter **which is sub judice**; dan

36(2) Reference shall not be made to any matter which is sub judice in such a way might in the opinion of chair ***prejudice the interests of parties thereto***”

- 3 (ii) Dengan segala hormatnya, menurut Peraturan tersebut Tuan Speaker perlu untuk menentusahkan “parties” kepada tindakan ini dan kepentingan mereka sebelum keputusan berkenaan prejudis yang mungkin timbul seakibat soalan yang diajukan itu.

Tuan Speaker,

Negara kami dilanda krisis dan segi wujudnya satu perkara yang melibatkan wang yang sangat besar yang kini menjadi topik perbincangan hangat bukan sahaja di Malaysia tetapi di seluruh dunia.

Perkara ini telahpun menyebabkan tindakan yang tegas diambil oleh negara-negara seperti Singapura, United Kingdom dan Amerika Syarikat manakala di negara kita tiada sebarang tindakan berkesan diambil terhadap mana-mana pihak sama sekali sehingga sekarang.

Perkara ini telahpun menyebabkan banyak soalan ditanya oleh rakyat Malaysia khususnya berkenaan corak pentadbiran Kerajaan kami dan pengendalian siasatan perkara ini oleh jabatan-jabatan seperti Jabatan Peguam Negara, PDRM dan SPRM.

Isu ini sudah semestinya menjadi satu isu berkepentingan awam dan amat sangat perlu dibahaskan di dalam Dewan Rakyat.

Keputusan Tuan Speaker dengan segala hormatnya mempunyai kesan penghalang perkara ini daripada dibahaskan secara transparan dan juga memprejudiskan kesemua pihak dengan amat sangat oleh kerana mereka kehilangan peluang untuk menyoal dan menjelaskan semua keraguan yang timbul di dalam Dewan Rakyat yang mulia ini untuk pengetahuan rakyat Malaysia secara keseluruhannya.

Saya juga merayu kepada Tuan Speaker supaya melihat kepada “precedent” yang akan dicapai melalui keputusan ini di mana daripada sekarang, mudah sekali untuk sesiapa menghalang sesuatu perkara itu dibangkitkan di Dewan Rakyat iaitu dengan memfailkan atau merujuk kepada prosiding di luar negara untuk tujuan itu.

Ini kepada saya bukan niat ataupun matlamat yang ingin dicapai oleh Peraturan Mesyuarat yang digubal untuk “enhance” dan bukannya “restrict” dengan izin, perbahasan perkara-perkara penting untuk negara kita di dalam Dewan Rakyat yang mulia ini.

Maka saya selaku Ahli Parlimen Puchong merayu supaya usul saya dibenarkan dibahas dan keputusan Tuan Speaker itu, dikaji semula dan diketepikan dengan serta merta.

[Perdana Menteri]

RISALAT-RISALAT YANG DIBAWA KE DALAM MESYUARAT
(DEWAN RAKYAT)

<u>TAHUN</u> <u>2016</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
CMD.24	Penyata Daripada Kementerian Kewangan Mengenai Anggaran Perbelanjaan Persekutuan 2017	21 Oktober 2016
CMD.25	Anggaran Perbelanjaan Persekutuan 2017	21 Oktober 2016
CMD.26	Senarai Perjawatan 2017 [<i>Dalam bentuk CD</i>] Jilid 1 Jilid 2 Jilid 3 Jilid 4 Jilid 5 Jilid 6 Jilid 7 Jilid 8	21 Oktober 2016
CMD.27	Laporan Ekonomi 2016 - 2017 Economic Report 2016 -2017	21 Oktober 2016
CMD.28	Anggaran Hasil Kerajaan Persekutuan 2017 Estimates of Federal Government's Revenue 2017	21 Oktober 2016

****UCAPAN-UCAPAN**
(PERATURAN MESYUARAT 17 BAHARU)
(KAMAR KHAS)

Tarikh Ucapan	Ahli Yang Berucap	Tajuk Ucapan	Menteri Yang Bertanggungjawab
1. 24.10.2016 (Isnin)	1. YB Tuan Liew Chin Tong (Kluang)	1. Kebocoran Maklumat Sensitif Kapal Selam Scorpene Di India Mungkin Akan Menjejaskan Aset Malaysia.	1. YB Menteri Pertahanan
2. 24.10.2016 (Isnin)	2. YB Tuan Ng. Wei Aik (Tanjong)	2. Ketiadaan Tindakan polis Diambil Terhadap Keganasan Jamal Yunos Dan Gerakan Baju Merah.	2. YB Menteri Dalam Negeri

**** Ucapan-ucapan Di Bawah Usul Berkenaan Perkara Tadbir Kerajaan (Peraturan Mesyuarat 17 Baharu)**